

K296.1

100

(490:1)

中國方志叢書

華北地方志第四八七號

據

民國·焦封桐修，蕭國楨纂
十年鉛印本

影印

河南省

修武縣志

(三)

成文出版社有限公司印行

江苏工业学院图书馆藏
章

中華民國六十五年

月臺一版

修武縣志

全三冊

發行人：黃

成

助

出版者：成文出版社有限公司

台北市郵政信箱二二六〇五號

台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

修武縣志卷十一

交涉

定軍制以禦外侮又必善交涉以保主權故受之以交涉易曰天與水違行訟君子以作事謀始先慎謂如定交接慎契券之類是也古之善交涉者有春秋之鄭子產齊晏嬰趙宋之富弼孔道輔一事不肯樹塗一字不肯曲從修武福公司礦案之交涉由於清光緒二十四年福公司代理人羅沙第賄買滇人吳式釗皖人程恩培假設豫豐公司訂定合同將太行山一帶之礦權授之外人其後紅黃界之問題鐵鑛之要求正草合同之改訂合辦賣煤之比較民窻之壓迫種種糾葛日新月異雖經當事之公正者極力調劑稍能挽救於萬一而最不平等之條約誠不勝其患害此民國十七年修武博愛兩縣之士紳所以呈請國民政府欲勒令福公司賠償損失並科以侵佔盜竊俱發罪而收回礦權也吾於是歎易象之爲後世慮至深且遠而子產等之所當辦香者矣志交涉

第一章 福公司礦案交涉之由來

福公司者爲英國商人所設立之股份有限公司其總公司以倫敦爲註冊所在地蓋以經營各種商業爲其目的及行爲者也其在中國之福公司辦公處則設在天津覬覦太行山一帶之礦產既豐且富久欲攫爲己有而苦無藉口乃賄買滇人翰林院檢討吳式釗皖人分省補用道程恩培以假定名目之豫

豐公司與北京福公司代理人羅沙第(意大利人)兩方磋商訂定合同九款向福公司借債一千萬兩並附保管票一紙均經駐京公使薩爾瓦噶加蓋印記此合同爲由借款以至開礦兩方永遠遵守之信券攜至豫省呈請於河南巡撫衙門承辦河南礦務且聲明所借之款爲商借商還將來如有虧折由該公司自行清理於國家毫不相干是時河南巡撫爲劉樹堂以爲洋商出資華商出力第隱其名於華商名爲自借洋款實則以洋商而借洋債在華商雖有借款之名並無借款之實在洋商雖平分開礦之利並不總攬開礦之權貽累可以無虞操縱依然在我事之便利無有過於此者於是根據理由以之入奏清廷乃交總理各國事務衙門與戶部會同奏議此豫豐公司與福公司之原擬合同九款得因河南巡撫劉樹堂以轉呈於中央之所由來也不知豫豐公司與福公司所議定之合同第一條所載即有豫豐公司稟奉河南巡撫批准專辦懷慶左右黃河以北諸山各礦今將批准各事轉請福公司辦理限六十年爲期等語是豫豐公司僅有其名實則中國人所組織之豫豐公司所直接請得之礦權卽爲英人福公司間接所得之礦權也

吳式釗程恩培爲虎作倀河南巡撫劉樹堂漫不加察糊塗入奏總理各國事務衙門各官當核議此案時不惟不加阻止反若利其速行乃引從前逐加添改喪失權利之山西福公司礦務章程(時山西福公司正在進行中)謂與河南事同一律督飭意國商人羅沙第仿照山西辦法另擬合同章程二十條

僅將劉樹堂批准轉奏之原擬合同第一款中准該公司承辦懷慶左右黃河以北諸山各礦以示限制而據以復奏於是豫豐公司與福公司勾結之計劃遂成爲鐵案而後來福公司礦案之種種交涉皆緣此而起此前清光緒二十四年事也

第二章 原合同成立後礦案種種之糾葛

豫豐公司與福公司之狼狽既如上述其促成此項合同之最力者一爲河南巡撫劉樹堂之原奏一爲慶親王奕劻等之復奏惟此項合同之當事者一爲豫豐公司之代表程恩培吳式釗一爲英商福公司之代表羅沙第乃商人兩方合意相互而訂之契紙非任何商人一方面單獨所能改訂至於總理各國事務衙門之職權僅有核議兩方所訂契約之權並無督飭一方另擬契約之權此其權限固極分明不知清慶親王奕劻何以於豫豐公司主體承辦河南礦務之商人吳式釗程恩培在豫未返北京以前而有督飭羅沙第個人另擬合同之事遂至以我國家最尊嚴之執政者代豫豐公司與福公司爲改訂合同之當事者且改擬之合同寬泛籠統漫無限制真令人百思而不得其解茲將豫豐公司與福公司議定之原合同章程二十條照錄於下

(一) 豫豐公司稟奉河南批准專辦懷慶左右黃河以北諸山各礦今將批准各事轉請福公司辦理限六十年爲期應先由礦師勘定何鄉何山何種礦產繪圖貼說稟請河南巡撫查明果與地方情形無

礙一面咨明總理衙門備案一面發給憑單准其採礦地勿稍耽延如係民產向業主議明或租或買公平給價如係官產應照該處田則加倍納賦

(二)豫豐公司稟奉河南巡撫批准自借洋債不得過一千萬兩之數如所派勘礦師以此數不敷於用豫豐公司仍轉向福公司續借

(三)凡調度礦務與開採工程用人理財各事由福公司總董總理豫豐公司總辦會同辦理其出入數簿由河南巡撫隨時派員稽查

(四)各處礦廠應用華洋董事各一人洋董管工程董董理交涉一切賬目皆用洋式銀錢出入洋董經理華董稽核各礦廠總以多用華人爲是所有薪水皆由福公司發給

(五)勘驗礦地或應打鑽掘井探視礦苗應先與地主商明踏損田禾酌量賠償至開礦以後或因礦場陷損傷民命房屋應歸福公司撫恤賠償若定辦一礦有佔民地必須會同地方官或向地主租用或備價購買秉公定價務使兩不受虧方昭公允所開礦地無論或租或買但遇有墳塋祠墓必須設法繞越毋得發掘

(六)所辦礦務每年所有礦產按照出井之價值百抽五作爲落地稅報效中國國家每年結賬盈餘先按用本付官利六釐再提公積一分逐年還本仍隨本減息俟用本還清公積即行停止此外所餘淨

利提二十五分歸中國國家餘歸福公司自行分給以後中國他處有用洋款開採煤鐵礦者應請一概仿照此章將所有礦產值百抽五納稅以歸劃一再此係商人籌借開辦礦務如有虧折與中國國家毫不干涉

(七)公司所開之礦不止一處然各礦出入與所有盈餘各歸各礦清理如或彼虧此盈不得以此礦之盈補彼礦之虧致使國家應得餘利因之少減

(八)凡開礦所需料件機器等物進口照開平各礦現行章程完納海關正半稅項內地釐捐概不重征至開出礦產運出口時仍照關章納稅

(九)福公司所開之礦以六十年爲限一經限滿福公司所辦各礦無論新舊不問盈虧如何卽以全礦機器及該礦所有料件並房產基地河橋鐵路凡係在該礦成本項下置辦之業全行報効中國國家不求給價屆時由豫豐公司稟請河南巡撫派員驗收

(十)每處礦廠總以聯絡官民預息紛爭爲要應由豫豐公司稟請巡撫酌派照料委員一人又設照料紳士一員由福公司聘請該員紳薪水均由福公司籌備

(十一)礦師工頭開辦之始自應選用洋人倘日後華人有精鑛學諳習工程者豫豐公司派充此項要職至其餘司事照料等職務關重大責成者皆用華人尤宜多用河南人以開風氣

(十二)礦丁亦宜多用豫人其工價應從公酌定至礦丁受傷應如何撫卹與使用數十年後應如何酌給養老之費又平日工作每日若干時刻各節統俟開礦後再由豫豐公司會同福公司採擇歐美各礦妥善章程商請巡撫定奪

(十三)福公司於各礦開辦之始即於礦山就近開設礦務鐵路學堂由地方官紳選取青年穎悟學生二三十名延請洋師教授以備路礦因材選用此項經費由福公司籌備

(十四)豫豐公司所借福公司銀一千萬兩係約估之數將來每開一礦實需資本若干由福公司撥用後准福公司按照所用之數造印借款股分票刊刻章程定期發賣如華商於期內願買此種股票者有則無論多寡聽其買取

(十五)華商收買此項礦務股票應由豫豐公司按照時價漲落照章代為收買或自行買賣均聽其便如華紳富商於六十年限內將其礦股票收至四分之三即將該礦先期收回由豫豐公司查報飭交該華商自行經理

(十六)凡於所准鑛地遇有民人先經開採者不得侵佔如原主自願租賣應由豫豐公司會同福公司秉公給價不得稍有抑勒

(十七)各礦遇有修路造橋開濬河港或須添造分支鐵道接至幹路或河口以爲轉運該省煤鐵與各

種礦產出境者均准福公司稟明河南巡撫自備款項修理不請公款其支路應訂章程屆時另議凡爲以上所准各事其須用民地之處亦照各局已定章程租賃不得少佔民地仍求地方官代爲保護（十八）每至年終或盈或虧各分礦造具清冊應各請華洋公正人一名核算無訛然後刊刻報單送至豫豐公司察核各礦盈虧會造總冊呈請巡撫以憑分咨「總理衙門戶部」查核並將報効國家各項一併呈繳

（十九）該礦爲中國自主之產將來中國有與別國戰爭之事福公司應聽中國號令不得接濟敵國（二十）茲章程華洋文繕具兩方各執爲憑

豫豐公司商董吳式釗

大清光緒二十四年五月初三日

即西歷一千八百九十八年六月廿一號

福公司羅沙第

第三章 福公司黃界之取得及其經過

上項合同擬定後豫人給事中鄭思贊者已確加訪察列舉吳式釗程恩培二人朋比漁利之情弊據實奏參謂吳式釗有玷清班程恩培少年浮動其詞並連及河南巡撫劉樹堂且謂如或允其開辦勢必委

之洋人將來糾葛紛紜於大局殊有關鍵而清慶親王奔勛等曲爲調停一則曰股本既難猝招再則曰鑛務未便停辦並以英公使催詢催促之詞聳動清廷卒令吳式釗與羅沙第書押於總理衙門並於光緒二十六年（一九〇〇）一面商請河南巡撫改派豫豐公司華董一面則爲英商福公司鑛師利德等續發護照苟且遷就貽害無窮宜乎河南巡撫裕長與總理衙門函電往來痛陳利害不曲徇所請而改爲華董接替也旋因義和團之變起此案亦隨之作一停頓焉

清光緒二十七年（一九〇一年）關於義和團之變以懲辦禍首賠償四百五十兆金解決卽所謂辛丑條約是也是年冬十一月清慶親王奔勛等復入奏清廷謂河南鑛務亟應派員接辦以符原議而重利權詞並連及前河南巡撫裕長謂爲遷延時日並未據實籌復且謂時局大定正宜振興庶務經營鑛以期馴致富強復持前議謂據英使照會一再催問其勢不能中止而以危言聳動清廷清廷依議以交河南巡撫錫良遴選殷實公正紳商迅照原案督飭妥爲籌辦乃奏派河南候補道韓國鈞接充豫豐公司總辦韓國鈞根據裕長原案商董不能由官改派之理由以爲既非原辦之董又非殷實之商照原合同第二條所云自借洋債一千萬兩福公司既迄未實行其六條又云此條商人籌借如有虧折與國家毫不干涉然則此商借商還之債將來如有虧折而責令此虛名之豫豐公司總辦果有何實力能與福公司相應付乎職是之故乃堅不肯自承復由河南巡撫錫良轉咨外部改爲河北鑛務局總辦專司交

涉之事焉先是其年八月據福公司指稱之豫豐公司幫董山西候補知府方鏡者與福公司礦師柯瑞等列名稟稱於修武縣屬之老牛河勘定礦地請求河南巡撫松壽發給開採憑單時松壽方以內遷解任未及核辦也及錫良繼任巡撫英公使乃復引據原合同第一條爲福公司函促憑單觀其語氣之亟迫似已確認同條所載勿稍耽誤一語爲勿得遷延時日者錫良以原合同第一條載有勘定何鄉何山何種礦產繪圖貼說及稟請河南巡撫查明與地方情形果無妨礙發給憑單准其開採之規定隨飭河北礦務局總辦會同懷慶府知府及修武縣知縣實地調查詳候核辦旋據復稱老牛河在修武縣城西北五十五華里因其地近太行石厚土薄不宜耕種以故居戶無多近村一帶亦少墳墓祠廟其新舊民窳之參錯其間者雖查有七十餘處然以資本微薄運銷艱難存者已不過十分之一二謂與地方情形尙無妨礙而於購租地畝傭僱礦工繞越墳墓保存民窳各節復依據條文詳爲說明謂宜先事預防以免臨時貽誤蓋亦深知福公司此案爲非於尋常交涉中所能求其比例者河南巡撫錫良案據所查方爲據實核辦而外部之准英使照會催詢憑單者又急於星火矣錫良以柯瑞所請礦地並未勘明何鄉何山及何種礦產核於原合同不符以爲應俟福公司礦師利德蒞豫之後勘定地界遵照一定手續然後可以發給憑單蓋是時福公司已專任利德以開礦之權前河南巡撫裕長曾准總理衙門咨稱請爲驗照保護者行且在途也故錫良卽據以答復外部而不欲倉猝爲之允許然較裕長當時已大異其堅

硬之態度矣

清光緒二十八年（即西歷一九〇二年）福公司礦師利德既行抵河北遂與礦師施久爾及豫豐公司幫董兼華委員方鏡等遍歷懷慶府屬探勘礦地蓋方鏡者既由福公司認爲豫豐公司之幫董河北礦務局總辦韓國鈞以其能與外人接洽也欲利用之故特請河南巡撫委爲福公司之照料員然亦徒供外人之奔走而已至是利德既知憑單之不可驟得遂一變其方針不專注於原合同第一條請發憑單之條文而適用第一及第五條租地購地之條文以其年五月先於距老牛河三四華里之下白作備價購買民地二十畝有奇建設礦廠運置機器謂爲打鑽探礦之必要此蓋依據清光緒二十六年總理衙門照復英使之原案而與原合同第一條先由礦師勘明云云之條文語意又在確定不確定之間使河南官吏無由詰難而阻止之因得暗豎其基礎今之澤盛煤礦即其根據地也噫福公司之基礎既因以成立而福公司之礦案亦因繁多矣

二十九年懷慶府屬之紅界黃界問題發生何謂紅界因原呈圖說以紅色爲線故其後遂稱爲紅界何謂黃界因更定圖說以黃色爲線故其後遂稱爲黃界是年七月據豫豐公司幫董方鏡與福公司礦師利德稟稱依照原合同第一條勘定礦地繪圖貼說請發開採憑單其圖用紅色爲線以澤盛煤廠爲其礦界之中心正東界至修武縣屬之馬界正西界至河內縣（即今之博愛縣）屬之柏山正北界至修武

之閭河正南界至修武之王褚東西延長凡三十餘華里南北距離或五六華里或三四華里不等合計面積約一百數十方里是時河南巡撫爲陳夔龍以利德所呈圖說橫跨河內修武兩縣不僅與原合同第一條勘定何鄉何山之條文不符抑與光緒二十五年新訂礦章指定某一縣之規定不合且其間墳墓祠廟及民窰之圈入者不知凡幾查與地方情形實有妨礙以故往復拒駁交涉經年此項紅界憑單卒未允許也然福公司鑛案外部既因英使之催迫以爲奏准之案而極力主持蓋至是已確有不能中止之勢河南官吏亦僅能依據合同縮減範圍示以限制而已無如福公司之執定合同要求無已故其後卒由巡撫陳夔龍飭由河北鑛務局總辦韓國鈞與福公司總礦師利德妥商另議旋據利德議定自澤盛煤廠牆外起東南北各三華里西連田澗約六華里作爲福公司礦界更定圖說請發開採憑單韓國鈞以澤盛煤廠西第六里界外爲元儒許文正公墓地之所在照原定合同須設法繞越按當時礦章則應特別保存特委候補知縣鄧伯龍馳赴修武會同知縣愛仁按照原圖覆加勘測嗣經勘得許文正公墓地一處按華尺計東西二百一十丈南北一百九十四丈又許惠和公墓地一處東西四十六丈南北一百一十九丈其田澗部位適逼近惠和文正兩處墓地之東面積東西九十丈南北八十四丈西北距惠和公墓地南界二十六丈西南距文正公墓地北界一百六十二丈按照原圖西連田澗以六里爲界則圖之西邊界線所至與惠和公墓地東界相距計二十丈而與文正公墓地東界相距且僅五丈乃

復商由福公司自惠和公墓地北界起至文正公墓地南界止中間曲連田澗劃出之東西九十丈自北至南計長六百三十丈以爲保護之餘地並由福公司改繪詳圖仍自澤盛煤廠牆外起正東界至周莊計三華里正南界至王褚計三華里正北界至閭河計三華里正西界至田澗計五華里五分其東北則界至於崗莊東南則界至於姜河西北則界至於春林西南則界至於嘉禾屯爲止其圖卽於前呈之紅界圖內加用黃色爲線以區別之此圖之西北及西南兩角所爲凸出而正西有縮入之線也今將最後勘定紅界時修正之紅黃界全圖繪列於下

上圖卽紅黃界圖也夫礦界既定當然無復商量之餘地矣乃利德則又中悔仍爲得寸進尺之要求因而一再爭持堅謂礦界狹小不足以敷開採之用將來如須擴張得於紅界內隨時續請憑單而河南官吏亦以是案之爭持日久也爲和平解決起見卒允其所要求於是憑單內加入一種之附條件載明嗣後黃界如果不敷一礦之用將來於紅界內另請憑單准照原合同第一條稟請河南巡撫查明與地方情形無礙再行核辦等語遂於光緒三十年（卽西歷一九〇四年）九月由河南巡撫陳夔龍正式發給福公司黃界煤礦開採憑單其河北礦務局亦同時裁撤焉茲將黃界憑單照鈔於左

河南巡撫部院陳爲發給開礦地界憑單事案據福公司呈請遵照光緒二十四年奏准合同第一條請發憑單以便開辦煤礦並呈紅界圖說一幅等情當經本部院查核所議地面太寬隨飭韓道與共磋商現已另議黃界飭令地方官查明福公司澤盛煤窰廠坐落修武下白作地方其窰廠東西一百七十五丈九尺南北三十九丈九尺此次所指礦界自窰廠牆外起算正東界至周莊靳萬邦地內計三中里正南界至東王褚程邦瑞地內計三中里正北界至閭河母清泉地內計三中里正西界至田澗盧會堂地內計五中里五分西南界至嘉禾屯盧來運地內西北界至春林高學書地內東南界至姜河岳天貴地內東北界至崗莊李苟創地內四面栽立界石十處合計面積六十方里零五千六百六十八方丈又四十一方尺除去村莊十處祠廟四座舊窰四個合三方里一萬零零六十二方丈並礦界內墳墓應照原

合同設法繞避不在准開之列外其餘詢與地方情形尙無妨礙自應照發憑單准其開辦福公司據此憑單在定界之內需用地畝照依合同與各戶妥商或租或買公平議價民人不得無故阻攔惟未經購地租地以前仍係各民人自產無論作何生業福公司亦不得藉詞阻止凡原合同所載各節福公司自當逐一遵照嗣後如果黃界不敷一礦之用將來於紅界內另請憑單准照合同第一條稟請河南撫臺查明果與地方情形無礙再行核辦至紅界內如有續請之憑單仍與黃界所發憑單同爲一礦除將憑單式樣并圖咨送外務部暨商部查核存案一面札飭地方官照約妥爲保護外相應發給憑單交該公司收執爲據須至憑單者

右修武縣下白作澤盛煤礦界憑單仰福公司收執

光緒三十年九月 日給

第四章 賣煤專條之訂定

福公司既取得黃界憑單以後遂從事經營於光緒三十二年二月第四號井出煤河南交涉局根據原合同第十條酌派照料委員之規定詳請河南巡撫委任候補知縣鄧伯龍爲福公司駐廠照料員并依照第六條第十三條按納出井稅銀報銷國家餘利及開設礦務學校之規定詳委交涉路局路礦股文案候補知縣嚴良炳馳赴下白作澤盛煤廠與福公司總礦師堪睿克交涉磋商至再輒以公司投資甚